



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa
Parlamentu Nasional
22 Outubru 2014

**Parlamentu simu no distribui Proposta Orsamentu Jerál Estadu ba tinan 2015:
Governu propoin \$ 1,570 millaun**

Iha 20 Outubru 2014 Parlamentu Nasionál (PN), liu husi plenária, oficialmente simu no distribui ona ba Komisaun Espesialidade sira, Proposta Orsamentu Jerál Estadu (OJE) tinan 2015 ne'ebé apresenta hosi governu ho estimasaun orsamentu \$1,570 millaun. Orsamentu ne'e aumenta kompara ho orsamentu jerál estadu 2014 ne'ebé governu prevee \$1,500 millaun.

Tuir planu governu sei uja orsamentu \$1,570 millaun ne'e ba kategoria saláriu no vensimentu \$184,051 millaun, ba bens servisu \$504.672 millaun, ba transferénsia públiku \$340.255 millaun, ba kapitál menór \$36.713 millaun, no kapitál dezvoltamentu \$504.309 millaun.

“JSMP preokupa ho komitmentu Governu tanba maske propoin ona orsamentu bo'ot kada tinan atu hamenus pobreza no hadia infrastrutura baziku sira maibe realidade povu sei moris kiak, no estrada iha kapaital no distritu sira sei kontinua aat,” dehan Diretor Ezekutivu JSMP, Luis de Oliveira Sampaio.

JSMP rekomenda ba governu atu hadia jestaun no mekanismu kontrulu ne'ebé efetivu ba projeitu sira liu-liu estrada atu kada tinan la-kontinua husu osan ba asuntu hanesan ho rezultadu mínimu. JSMP rekomenda atu fó prioridade ba programa seluk ho orientasaun atu dezenvolve ekonomia povu ne'ebé di'ak liu iha futuru.

JSMP hanoin katak ba interesse boot liu povu nian, governu iha kompetensia atu husu no utiliza OJE hodi dezenvolve nasaun no hadia povu nia moris, maske nune'e, tenke asegura katak utilzasaun no ezekusaun orsamentu ne'e iha implikasaun direta ba povu nia moris. Liu-liu tenki jere ho kuidadu tanba durante ne'e Timor Leste depende liu ba fundu mina rai.

Proposta lei ba planu OJE 2015 ne'e, hato'o hosi governu no entrega ba Parlamentu iha 15 Outubru 2014.

Atu hetan informasaun kompleitu, favor kontaktu:

Luis de Oliveira Sampaio
Diretor Ezekutivu JSMP
Diresaun e-mail: luis@jsmp.minihub.org
info@jsmp.minihub.org

Telephone:3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPTl